

史
綱



			二	漢
		一	三	書
	一	九	一	門
大	〇	七		
冊	架	函	號	類

庫	文	閣	內	
五		二		漢
〇		三		
函		一		書
二	一	五	七	
架	冊	號	類	

內閣文庫	
番號	漢 2317
冊數	15 (13)
函號	290 126

十五之六
上



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



史記卷十五

陳留

劉向

著

定安

清師

跋

北史

精功

經學文紀

卷八

東傳

史觴卷十五

陳留 謝肇淛 著

黃師表

建安

黃師正

較



北史

籍坊

魏孝文紀幸廷尉籍坊二獄引見諸囚

澆人

東魏孝靜紀夏五月大旱勒城門殿門及省府

史觴 卷十五

寺署坊門澆人不簡王公無限日待雨乃止

劉向

齊文宣紀吳州人劉向於鄰謀逆伏誅

廁籌

齊文宣紀雖以楊愔爲宰輔使進廁籌以其體肥呼爲楊大肚

縮屋

齊廢帝紀太子監國集諸儒講孝經令楊愔傳旨謂國子助教許散愁曰先生在世何以自資

對曰散愁自少以來不登變童之牀不入季女之室服膺簡策不知老之將至平生素懷若斯而已太子曰顏子縮屋稱貞柳下嫗而不亂未若此翁白首不娶者也

聖杖

隋文帝紀素無學術好爲小數言神燭聖杖堪能療病

駕毳

隋煬帝紀芟夷宇宙混一車書東漸西被無思

不服南征北怨俱荷來蘇駕毳乘風歷代所弗
至辮髮左衽聲教所罕及莫不厥角關塞頓頽
闕庭譯靡絕時書無虛月

二聖

獨孤后傳后雅好讀書識達今古凡言事皆與
上意合宮中稱爲二聖

十錢主簿

陽平王熙傳子慶智性貪鄙爲太尉主簿事無
大小得物然後判或十數錢或二十錢得便取
之府中號爲十錢主簿

福輿

崔彧傳臨終戒其二子曰夫恭儉福之輿傲侈
禍之機乘福輿者浸以康休踏禍機者忽而傾
覆汝其誠歟吾沒後歛以時服祭無牢餼棺足
周屍瘞不泄露而已

絕倒

崔瞻傳行過彭城讀道傍碑文未畢而絕倒從
者遙見以爲中惡此碑乃瞻父徐州時所立故

哀感焉

竊級

崔儵傳叔義弟子侃以寄名從軍竊級爲中書郎爲尚書左丞和子岳彈糾失官

熊皮郵泥

長孫道生傳一熊皮郵泥數十年不易時人比之晏嬰

鐵小兒

長孫承業傳梁將裴邃虞鴻襲據壽春承業諸

子驍果遂頗難之號曰鐵小兒

捫膝

賈彞傳葛榮陷冀州賈景輿稱疾不拜每捫膝而言曰吾不負汝

冰稜

盧詢祖傳長廣太守邢子廣曰詢祖有規檢禰衡思道無冰稜文舉

蜀牛

高允傳特賜允蜀牛一頭四望蜀車一乘素几

杖各一蜀刀一口

司徒帽

高昂傳轉司徒公好着小帽世因稱司徒帽

馬皂

同上范陽盧曹率其徒自薊入海島得長人骨以髑髏爲馬皂脰長丈六尺以爲二稍送其一於神武諸將莫能用惟彭樂強舉之

獬獬

崔楷傳楷性嚴烈能摧挫豪強時人語曰莫獬

獬付崔楷

十三環金帶

李穆傳遣使謁隋文帝并上十三環金帶蓋天子服也

四括

李士謙傳李平字伯括爲樂平太守弟機字仲括位國子博士隱字叔括保字季括位並尚書郎兄弟皆以儒素著名時謂之四括

四黃

同上機子楷有男子五人輯晃茱勁獻輯字護
宗晃字仲黃茱字季黃勁字少黃獻字幼黃並
以友悌著美爲當世所宗時所謂四黃者也

入麤入細

李雄傳入麤入細李普濟

鬲揖

李幼廉傳後主時和士開權重百寮盡傾幼廉
鬲揖而已

健婦

裴澤傳妻鉅鹿魏氏恩好甚隆不能暫相離澤
每從駕其妻不宿亦至性強立時人以爲健婦
夫半

漁獵夫

裴俠傳除河北郡守此郡舊制有漁獵夫三十
人以供郡守俠曰以口腹役人吾所不爲也乃
悉罷之

遊艇子

楊素傳南海先有五六百家居水爲亡命號曰

遊艇子

○李錐

李崇傳崇子世哲性傾巧善事人亦以貨賂自達高肇劉騰之處勢也皆與親善故世號爲李錐

三短

李諧傳諧爲人短小六指因癭而舉願因跛而緩步因蹇而徐言人言李諧善用三短

種鬚

同上諧子庶生而天闔崔謔調之曰教弟種鬚以錐徧刺作孔挿以馬尾庶曰先以此方回施貴族藝眉有効然後樹鬚世傳謔門有惡疾以呼施爲墓田故庶言及之邢子才在傍大笑

三徽

張烈傳烈字徽之時青州有崔徽伯房徽叔與烈並有令譽時人號三徽

佞哀

陽休之傳天保之世魏侯時遇甚深鄙夫以衆

人見待佞哀詐泣實非本懷

陽五

同上休之弟俊之多作六言歌辭滛蕩而拙世俗流傳名爲陽五伴侶寫而賣之在市不絕俊之嘗過市取而改之言其字誤賣書者曰陽五古之賢人作此伴侶君何所知輒敢議論俊之大喜

弱顏

祖珽傳高元海奏珽珽白分踈并云與元海素

嫌必是元海譖臣帝弱顏不能諱曰然

蒔

爾朱文暢傳爲任氏家客蒔季孝所告

水菘

慕容儼傳侯瑱任約并力圍城惟煮槐楮葉并紵根水菘葛父等及靴皮帶筋肉等食之

噤齟

彭樂傳神武怒其放宇文泰令伏諸地親稱其頭連頓之并數沙苑之失舉刀將下者三噤齟

良义乃止

養犉

司馬子如傳子如本從夏州策一杖投相王王給露車一乘養犉牛犢犢在道死唯養犉肉存此外皆人上取得

鴈臣

斛律金傳詣雲州魏除爲第一領人酋長秋朝京師春還部落號曰鴈臣

空頭漢

同上金曾遣人獻食中書舍人李若誤奏云金自來武成出昭陽殿敕侍中高文遙將羊車引之若知事誤更不敢出映廊下文遙還覆奏帝罵若云空頭漢合殺亦不加罪

蹠駁

蘇威傳隋承戰爭之後憲章蹠駁

六俊

唐瑾傳時六尚書皆一時之秀周文自謂得人號爲六俊

客量

漢王諒傳先是并州謠言一張紙兩張紙客量小兒作天子時僞署官告身皆一紙別授則二紙諒聞謠喜曰我幼字阿客量與諒同音吾於皇家最小以爲應之

簏

乞伏慧傳曾見人以簏捕魚者出絹買而放之其仁心如此百姓羨之號其處曰西河公簏老革

裴蘊傳蘇威勸帝赦群盜可滅高麗蘊奏曰此大不遜天下何處有許多賊帝悟曰老革多姦將賊脅我欲搭其口但隱忍之誠極難耐

綠沈甲

張奩傳後賜綠沈甲獸文具裝

四大

熊安生傳宗道暉好着高翅帽大屐冀州人爲之語曰顯公鍾宋公鼓宗道暉屐李洛姬肚謂之四大

觸觸生

同上安生將通名見徐之才和士開二人相對以徐之才諱雄和士開諱安乃稱觸觸生羣公晒之

通佺

李文博傳魏郡侯白字若素通佺不持威儀好爲俳諧雜說人多愛狎之

李練

李順興傳常冠道士冠人有憶者不過數目輒至其家號爲李練

漢狗

韓鳳傳鳳恒帶刀走馬未曾安行瞋目張拳有啖人之勢每吃日恨不得剉漢狗飼馬又日刀止可刈賊漢頭不可刈草

雀息

高麗傳左右雀息不敢動

康寺三火

序傳李師上與范陽盧公順俱爲符璽郎待詔

文林館與博陵崔君洽同志友善從駕晉陽寓
居僧寺朝士謂之康寺三火

鼠乳

同上李神儁頸多鼠乳而性通率不持檢度

丁掾

同上泌苑之敗神儁策馱馬而走日丁掾力馬
倒日丁掾誤我

史儻卷十六

陳留 謝肇淛 著

建安 黃師表 較

黃師正

唐書

銀菟符

高祖紀改銀菟符為銅魚符

庫牛

同上禁獻侏儒短節小馬庫牛異獸奇禽者

不驚

太宗紀生而不驚

一二聖

武后紀高宗號天皇皇后亦號天后天下之人謂之二聖

天中王

同上封嵩山爲神岳封其神爲天中王

拔河

中宗紀及皇后幸玄武門觀宮女拔河爲宮市

以嬉

潑寒

睿宗紀作潑寒胡戲

珠繩

玄宗紀禁採珠玉及爲刻鏤器玩珠繩帖縞服者廢織錦坊

長髮會

同上禁白衣長髮會

侍老物

同上巳巳如并州降囚罪徒以下原之賜侍老物

稽稻

同上揚州稽稻生

立仗鍔

同上有事於南郊大赦流人老者許致仕停立伏鍔

外辦

肅宗紀立爲皇太子有司行冊禮其儀有中嚴

外辦其服絳紗太子曰此天子禮也乃下公卿議太師蕭嵩左丞相裴耀卿請改外辦爲外備絳紗衣爲朱明服乃從之

平脫

同上禁珠玉寶鈿平脫金泥刺繡

大綱竭鑿

代宗紀禁大綱竭鑿六破錦及文紗吳綾爲龍鳳麒麟天馬辟邪者

古爵

德宗紀賜文武官階爵民爲戶者古爵一級

兀 巨基切

敬宗紀魏博行營兵馬使兀志沼反

鳥歌

禮樂志天授鳥歌皆武后作也天授年名鳥歌者有鳥能人言萬歲因以製樂

秦漢子

同上琵琶圓體脩頸而小號曰秦漢子蓋絃鼓之遺製出於胡中傳爲秦漢所作

褰袖

儀衛志龍旗以前朱雀等隊各二人持褰袖騎夾

驪騮

同上第十九驪騮旗左右武衛折衝都尉各一人主之

趙公渾脫

五行志太尉長孫無忌以烏羊毛爲渾脫氊帽人多效之謂之趙公渾脫

齊娘

同上景龍三年十一月郊祀韋后爲亞獻以婦人爲齊娘以祭祀之服執事

義髻

楊貴妃常以假鬢爲首飾而好服黃裙近服妖也時人爲之語曰義髻拋河裏黃裙逐水流

囚髻

同上僖宗時內人束髮極急及在成都蜀婦人効之時謂爲囚髻

旗子草

同上光啓元年七月河中解永樂生草葉自相糝結如旌旗之狀時人以爲旗子草

甘蟲

同上大中十年三月舒州吳塘堰有衆禽成巢濶七尺高一尺水禽山鳥無不馴狎中有如人面綠毛紺爪觜者其聲曰甘人謂之甘蟲

族鹽

同上武后時民飲酒謳歌曲終而不盡者謂之

族鹽

狹母鬼

同上咸通十四年秋成都訛言有狹母鬼夜入人家民皆恐夜則聚坐或曰某家見鬼眼晃然如燈焰民益懼

殛牛

地理志鹽州土貢鹽山木瓜殛牛

鼪鼯鼠

同上蘭州土貢麩金麝香鼪鼯鼠

道舉

選舉志開元二十九年始置崇玄學習老子莊子文子列子亦曰道舉

別頭

同上初禮部侍郎親故移試考功謂之別頭
三無坐處

同上中宗時韋后及太平安樂公主等用事於側門降墨勅斜封授官號斜封官凡數千員內外盈溢無廳事以居當時謂之三無坐處言宰

相御史及員外郎也

聖書

同上開元十八年侍中裴光庭兼吏部尚書始作循資格而賢愚一槩必與格合乃得銓授限年躡級不得踰越於是久淹不收者皆便之謂之聖書

跳盪

百官志矢石未交陷堅突衆敵因而敗者曰跳盪

塗歸

同上給事中四人凡百官奏抄侍中既審則駁正違失詔勅不便者塗竄而奏還謂之塗歸

旌節

同上凡命將遣使皆請旌節旌以顯賞節以顯殺

五坊

同上閑廐使押五坊以供時狩一日鷓坊二日鶡坊三日鷓坊四日鷹坊五日狗坊

戶婢

同上諸司營作須女功者取於戶婢

常參

同上文官五品以上及兩省供奉官監察御史
員外郎太常博士日參號常參官武官二品以
上三日一朝號九參官五品以上及折衝當番
者五日一朝號六參官弘文文館國子監學
生四時參

白望

食貨志是時宮中取物於市以中官爲宮市使
兩市置白望數十百人以監估

門匠

同上河中有山號米堆運舟入三門顧平陸人
爲門匠執標指麾一舟百日乃能上諺曰古無
門匠墓謂皆溺死也

鵠赤

同上鵠赤縣令俸錢四萬五千

磬

刑法志自隋以前死刑有五曰磔絞斬梟裂

獄持 宿囚

同上推劾之吏以深劾為功鑿空爭能相矜以
虐泥耳囊頭摺脅籤爪縣髮燠耳臥隣穢溺刻
害支體糜爛獄中號曰獄持閉絕食飲晝夜使
不得眠號曰宿囚

悟先

后妃傳險言似忠故受而不詰醜行已效反徂
而為好左右附之儉任基之狡謀鉗其悟先哀

誓楗於寵初天下之事已去而恬不自覺此武
韋所以遂篡弑而喪王室也

深痛

武后傳后城寓深痛柔屈不恥以就大事

十二文

同上作墨照丙天壘地乙日困月○星唐君虞忠臣

除載率年正正十有二文

外宅

上官昭容傳婉兒與近嬖至皆營外宅表人穢

夫爭候門下肆狎昵因以求劇職

雄狐

楊貴妃傳號國素與國忠亂頗為人知不恥也
每入謁並驅道中從監侍姆百餘騎炬密如晝
靚粧盈里不施幃障時人謂為雄狐


武抃

懿安后傳武宗喜畋遊角武抃擇五坊小兒得

出入禁中

廢

氏切



文化丁卯

